



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 422;
fax: +387 33 726 414
e – mail: info@voda.ba

Broj: **UP-1/21-3-40-607-6/23**
Datum: **01.02.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Aida Commerce“ d.o.o. Sarajevo za izdavanje vodne dozvole za ispuštanje tehnoloških otpadnih voda sa lokacije poslovnog kompleksa objekata – reciklažnog dvorišta za prikupljanje, privremeno skladištenje, tretman, manipulaciju i transport otpada, na lokaciji Pijačna br.13. Ilidža, na osnovu člana 139. stav (1) tačka 3. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu „Aida Commerce“ d.o.o. Sarajevo daje se vodna dozvola za ispuštanje tehnoloških otpadnih voda sa lokacije poslovnog kompleksa objekata – reciklažnog dvorišta za prikupljanje, privremeno skladištenje, tretman, manipulaciju i transport otpada, na lokaciji Pijačna br.13., Ilidža, na zemljištu označenom kao k.č. broj: 835, 836, 837, 838, 839/2 841, 842, K.O Stup.

2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, a za čije izdavanje je nadležno Ministarstvo privrede Kantona Sarajevo, u skladu sa članom 139. stav (2) Zakona o vodama.

3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na lokaciji objekta, detaljnog dinamičkog plana ulaganja urađenim od strane pravnog lica (broj:190-1/24 od 18.01.2024. godine) i pod slijedećim uslovima:

3.1. Da korisnik predmetnog poslovnog kompleksa objekata: reciklažnog dvorišta za prikupljanje, privremeno skladištenje, tretman, manipulaciju i transport otpada, održava u funkcionalnom stanju i koristi u skladu sa njegovom prirodom i namjenom, te u skladu sa uslovima iz ove vodne dozvole.

3.2. Da se u periodu važenja ove vodne dozvole, a u skladu sa detaljnim dinamičkim planom ulaganja, a u skladu sa članom 26. stav (3) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20,96/20 i 1/24) realizuju aktivnosti na vanjskom uređenju:

3.2.1. Investitor treba da do kraja 2024.godine izgradi tankvanu oko jednoplašnog rezervoara za gorivo zapremine $V=2000$ l.

3.2.2. Da do kraja mjeseca februara 2024. godine izvrši doradu dokumentacije: Glavni projekat prikupljanja i zbrinjavanja otpadnih voda iz objekta poslovnog kompleksa „Aida Commerce“ d.o.o., urađen od strane „ES Hydrotechnics“ d.o.o. Sarajevo, septembar 2016. godine u skladu sa činjeničnim stanjem na terenu i promjenama koje su se desile u periodu od izrade projekta do dana vršenja uviđaja.

- Projektnu dokumentaciju je potrebno doraditi na nivo Glavnog projekta na osnovu utvrđenih količina i sastava tehnoloških otpadnih voda koje nastaju na lokaciji poslovnog kompleksa objekata reciklažnog dvorišta, privremeno skladištenje, tretman, manipulaciju i transport otpada, nadzemnih rezervora za skladištenje nafte i dr. površina, a sve u skladu sa članom 5. stav (2) Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22).

- Projektna dokumentacija treba biti urađena od strane pravnog lica koje ima ovlaštenje pribavljano od strane Federalnog ministarstva poljoprivrede, vodoprivrede i šumarstva, a u skladu sa članom 7. Pravilnika o sadržaju, obliku, uslovima, načinu izdavanja i čuvanja vodnih akata.

- Projektnu dokumentaciju potrebno je dopuniti sa podacima o rezervoaru nafte (dvoplašni), kapacitetu cisterne (spremnika).

- 3.3. Da se onečišćene vode koje nastaju na skladišnim, manipulativnim, saobraćajnim i parking površinama (nastale prilikom baliranja plastike, kartona i ambalaže) i prostora za točenje i skladištenje goriva nesmetano sakupljaju i odvođe do objekata predviđenih za tretman tehnoloških otpadnih voda (separatori ulja i masti), a zatim ovako tretirane vode, preko okna za monitoring ispuštaju u definisani recipijent (rijeku Dobrinju).
- 3.4. Da se tehnološke otpadne vode koje nastaju iz uređaja za tretman otpadnih voda (hala 5.) i iz uređaja za tretman medicinskog otpada (hala 4.) odvođe do kanalizacije onečišćenih oborinskih voda te preko separatora ulja i masti i monitoring okna ispuštaju u recipijent.
- 3.5. Skladištenje masti, ulja, akumulatora, elektroničkog, plastičnog i drugog otpada vršiti u okviru natkrivenih objekata, u namjenskom prostoru, pod nadzorom i pod ključem.
- 3.6. Objekte čija je svrha odvođenje i prečišćavanje onečišćenih voda (separatori ulja i masti, slivne rešetke, kanalizaciona mreža) treba redovno održavati, servisirati i koristiti na način koji će obezbijediti njihovu potpunu ispravnost i funkcionalnost.
- Čišćenje i održavanje postrojenja za tretman otpadnih voda može vršiti isključivo firma ovlaštena za tu vrstu djelatnosti.
- 3.7. Postrojenja za tretman opasnog otpada (sterilizator medicinskog otpada, vakuumski isparivač, vakuum evaporator - sistem postrojenje za prečišćavanje) treba redovno održavati, servisirati i koristiti na način koji će obezbijediti njihovu potpunu ispravnost i funkcionalnost.
- 3.8. O načinu i vremenu izvođenja radova na održavanju, odnosno o pražnjenju i zbrinjavanju sadržaja postrojenja za tretman opasnog i neopasnog otpada neophodno je voditi službenu evidenciju.
- 3.9. Da korisnik obavezno praktikuje suho čišćenje radnih i manipulativnih površina prije pranja vodom, da bi se uklonile nečistoće, trošilo manje vode za pranje i time smanjilo zagađenje u otpadnim vodama.
- 3.10. Osigurati priručna sredstva za brzu intervenciju u slučaju nekontrolisanog istjecanja masti, ulja i drugih komponenti kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.11. Da se redovno vrši skupljanje čvrstog opasnog i neopasnog otpada na lokaciji, te isti propisno skladišti do njegovog konačnog zbrinjavanja od strane ovlaštene organizacije. Isti se ne smije ni privremeno odlagati na česticu „vodno dobro“, odnosno u vodotoke i na njegove obale.
- 3.12. Korisnik treba obezbijediti da prečišćene otpadne vode prije ispuštanja u površinsku vodu moraju da zadovolje granične vrijednosti emisije iz Tabele 1.1. Priloga 1. Uredbe o uslovima ispuštanja otpadnih voda u okoliš i sisteme javne kanalizacije („Sl. novine Federacije BiH“, broj: 26/20, 96/20 i 1/24).
- 3.13. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
- 3.14. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
- 3.15. Ukoliko Vlada kantona Sarajevo propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1.1. kolona 3. Priloga 1. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvjestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.

6. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret u skladu sa članom 149. Zakona o vodama („Službene novine Federacije BiH“, broj 70/06).

7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

8. Pravno lice „Aida Commerce“ d.o.o. Sarajevo dužan je izvještavati Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine, na obrascu iz Priloga 8. Uredbe o uslovima ispuštanja otpadnih voda u okoliš i sisteme javne kanalizacije.

9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja. Prije isteka ovog roka pravno lice je dužano zatražiti produženje iste. Ova vodna dozvola prestaje da važi u slučaju da se ne ispune uslovi iz tačaka: 3.2.1. i 3.2.2. ovog rješenja.

10. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Aida Commerce“ d.o.o. Sarajevo obratila se ovoj Agenciji aktom broj:2761-1/23 od 18.12.2023. godine sa zahtjevom za izdavanje vodne dozvole za ispuštanje tehnoloških otpadnih voda sa lokacije poslovnog pogona – reciklažnog dvorišta za prikupljanje, privremeno skladištenje, tretman, manipulaciju i transport otpada, na lokaciji Pijačna br.13, općina Ilidža.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A-Opšta dokumentacija:

- Rješenje o izmjenama podataka, broj:032-0-Reg-23-003273 od 31.08.2023. godine izdato od strane Općinskog suda u Sarajevu - ovjerena kopija,
- Uvjerjenje o registraciji poreznog obveznika od 12.10.2021. godine izdato od strane Kantonalnog poreznog ureda Sarajevo - ovjerena kopija,
- Uvjerjenje o registraciji u Jedinstveni registar obveznika indirektnih poreza, broj:04/1-17-1-UPJR/1-6258-2/21 od 07.10.2021. godine izdato od strane Uprave za indirektno-neizravno oporezivanje Banja Luka - ovjerena kopija,
- Punomoć podnosioca zahtjeva od 17.12.2023. godine,
- Rješenje o vodnoj dozvoli, broj: UP-I/25-3-40-614-6/18 od 22.01.2019. godine izdato od strane Agencije za vodno područje rijeke Save, Sarajevo – kopija,
- Rješenje o produženju dozvole za upravljanje otpadnom, broj:05-23-1477/18 od 14.04.2023. godine izdato od strane Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo - ovjerena kopija,
- Rješenje o dozvoli za upravljanje otpadnom, broj:05-23-1477/18III MG od 29.06.2018. godine izdato od strane Ministarstva prostornog uređenja, građenja i zaštite okoliša Kantona Sarajevo - ovjerena kopija,
- Rješenje o okolinskoj dozvoli, broj:UPI 06/2-23-11-112/19 od 06.09.2019. godine izdato od strane Federalnog ministarstva okoliša i turizma - ovjerena kopija,
- Operativni plan mjera u slučaju vanrednih i incidentnih zagađenja, decembar 2023. godine urađen od strane „Inspekt RGH“ d.o.o. Sarajevo,
- Detaljni dinamički plan ulaganja, broj:190-1/24 od 18.01.2024. godine,
- Ugovor potpisan sa KJKP „Vodovod i kanalizacija“ d.d. Sarajevo, broj:2717-1/23 od 12.12.2023. godine – kopija,
- Ugovor broj:05/24 od 11.01.2024. godine potpisan sa C.I.A.K. d.o.o. Grude – kopija,
- Ugovor broj:06/24 od 11.01.2024. godine potpisan sa C.I.A.K. d.o.o. Grude – kopija,
- Ugovor broj:04/24 od 11.01.2024. godine potpisan sa C.I.A.K. d.o.o. Grude – kopija,
- Ugovor potpisan sa KJKP „Rad“ d.o.o. Sarajevo, broj:124-1/24 od 15.01.2024. godine – kopija,
- Račun broj:46300199 od 14.12.2023. godine izdat od strane KJKP „Vodovod i kanalizacija“ d.d. Sarajevo – kopija,

- Račun broj:46300198 od 14.12.2023. godine izdat od strane KJKP „Vodovod i kanalizacija“ d.d. Sarajevo – kopija,
- Dokaz o uplaćenju federalnoj upravnoj pristojbi na zahtjev.

B- Tehnička dokumentacija:

- Izvještaj o monitoringu kvaliteta i kvantiteta otpadnih voda iz objekta „Aida Commerce“ Sarajevo, broj:1431/23 od 10.10.2023. godine, urađen od strane „Inspekt-RGH“ d.o.o. Sarajevo,

- Glavni projekat prikupljanja i zbrinjavanja otpadnih voda iz objekta poslovnog kompleksa „Aida Commerce“ d.o.o., urađen od strane „ES Hydrotechnics“ d.o.o. Sarajevo, septembar 2016. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20, 63/22), izvršen je pregled lokacije poslovnog kompleksa objekata– reciklažnog dvorišta za prikupljanje, privremeno skladištenje, tretman, manipulaciju i transport otpada, pravnog lica „Aida Commerce“ d.o.o. Sarajevo i tom prilikom sačinjen Zapisnik o izvršenom uviđaju broj: UP-1/21-3-40-607-5/23 od 31.01.2024. godine.

Na osnovu dostavljene dokumentacije, izvršenog uviđaja na licu mjesta, dostavljenog detaljnog dinamičkog plana ulaganja, utvrđeno je sljedeće:

- Poslovni kompleks sastoji se od sljedećih cjelina: poslovni objekat - upravna zgrada (P+1), hala br.1 u kojoj se vrši prerada najlona, papira i kartona, hala br.2 u kojoj se nalazi skladište šredirane plastike i najlona, hala br.3. u kojoj se nalazi preša za baliranje papira, kartona i najlona, hala br. 4. je prostor u kojem je smještena oprema za tretiranje medicinskog otpada, te prostor za skladištenje opasnog otpada. Hala br. 5. je prostor sa opremom za tretman otpadnih voda (iz separatora ulja i masti). Ispred hala nalaze se boksovi sa nadstrešnicama na kojima se lageruju presovane - balirane pet ambalaže, karton, najlon, papir, te otvoreni i zatvoreni boksovi za EE-otpad (elektronički otpad). U krugu poslovnog kompleksa instalirana su dva nadzemna rezervoara za skladištenje i istakanje nafte i naftnih derivata za potrebe rada kamiona i dr. mašina. Zapremina $V=2000$ l svakog od rezervoara. Jedan od rezervoara je jednoplašni, a drugi dvoplašni. Oko jednoplašnog rezervoara nije izgrađena tankvana.

- Ukupna površina radno-manipulativnog prostora kompleksa (zatvoreni, natkriveni, otkriveni) iznosi 13.314 m^2 . Površine u halama i vanjski skladišni, parking i radno manipulativni prostor je asfaltiran, betoniran. Nezačišćene vode sa krovova i vode opterećene zauljenom komponentom sa radno manipulativnih površina se jedinstvenim sistemom slivnika, kanala, rešetki odvođe na tretman na dva separatora ulja i masti, kapaciteta ($Q=40 \text{ l/s}$ i $Q=100 \text{ l/s}$). Nakon tretmana, prečišćena voda se preko monitoring okna upušta u recipijent - rijeku Dobrinju.

- Pravno lice je dalo pismeno očitovanje (na zahtjev) u kojem je izjavilo da u proteklom periodu od izdavanja prethodnog Rješenja o vodnoj dozvoli broj: UP-I/25-3-40-614-6/18 od 22.01.2019. godine izdatog od strane ove Agencije nije bilo nikakvih izmjena, a koje bi se ogledale u: izgradnji dodatnih objekata (hala i sl), ugradnji novih uređaja za tretman, promjeni načina tretmana tehnoloških otpadnih voda i mjesto ispuštanja tretiranih voda u recipijent-rijeku Dobrinju i sl.

- U skladu sa zahtjevima iz Rješenja o vodnoj dozvoli izdato od strane ove Agencije pravno lice je trebalo da postupi po sljedećim tačkama iz dispozitiva Rješenja:

4.1. Investitor je trebao da u toku prve godine važenja dozvole izgradi tankvanu oko jednoplašnog rezervoara za gorivo zapremine $V=2000 \text{ l}$.

4.2. Investitor je trebao da u roku važenje Rješenja izvrši doradu projektne dokumentacije: Glavni projekat prikupljanja i zbrinjavanja otpadnih voda iz objekta poslovnog kompleksa „Aida Commerce“ d.o.o., urađen od strane „ES Hydrotechnics“ d.o.o. Sarajevo, septembar 2016. godine u skladu sa činjeničnim stanjem na terenu i promjenama koje su se desile u periodu od izrade projekta do dana vršenja uviđaja.

Pravno lice je dostavilo detaljni detaljan dinamički plan ulaganja, broj:190-1/24 od 18.01.2024. godine, a sve u skladu sa zahtjevima pod kojima je izdato predmetno Rješenje o vodnoj dozvoli od strane Agencije za vodno područje rijeke Save, Sarajevo.

U skladu sa dostavljenim detaljnim dinamičkim planom investitor će doradu projektne dokumentacije izvršiti do kraja mjeseca februara 2024. godine, a izgradnju tankvane oko jednoplašnog rezervoara će realizovati do kraja 2024. godine.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Aida Commerce“ d.o.o. Sarajevo ispunila minimum uslova za izdavanje vodne dozvole za aktivnost ispuštanje tehnoloških otpadnih voda, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr. Selma Merdan, dipl.inž.geol.

Po ovlaštenju

Rukovodilac sektora za izdavanje vodnih akata


Haris Ališehović, dipl. inž. grad.

Dostaviti:

- „Aida Commerce“ d.o.o. Sarajevo
- Pijačna br. 13, Ilidža,
- AVP Sava, ISV-vodna knjiga,
- Org.jed. 40 – arhiva,
- Org.jed. 50 – ovdje,
- Oglasna ploča AVP Sava